

Ammasumik ataatsimiinnermi oqaluuserisassat:

- Imm. 01 Oqaluuserisassat akuersissutigineri**
- Imm. 02 Borgmesterip nalunaarutaa.**
- Imm. 03 Ataatsimiititaliani siulittaasut nalunaarutaat.**

Paasissutissiissutit

- Imm. 04 Alcoa, Namminersornerullutik Oqartussat Qeqqatalu Kommuniata akornanni
suleqatigiinnissamut isumaqatigiissutissatut siunnesuut pillugu paasissutissiissut.**

Aningaasaqarnermut tunngasut

- Imm. 05 Missiliuut A-tut siunnersuut 2 ilinniagalinnut inissiat 30-t kiassaateqarfik ilan-
ngullugu.**
- Imm. 06 Qinguata Atuarfiata, Kangerlussuaq qinnuteqaata 10. klassi-nik
pilersitsinissaminnut 1. august 2009-mit, ukioq atuarfiusumut 2009 / 2010-imut.**

Suliassat nalinginnaasut

- Imm. 07 Qeqqata Kommuniani Kommunalbestyrelsimi nunaqarfinnilu aqutsisunut
ilaasortat sulinerminni akissarsiasaraluaminnik annaasaqarnerini
taartisiaqartitaanissamut najoqqutassaq.**
- Imm. 08 Qeqqata Kommuniani oqartussaqaarfiit assigiinngitsunik suliallit isumaginninner-
mi suliassani suleqatigiinnissami ileqqoreqqusatut siunnersuut.**
- Imm. 09 Angerlarsimaffimmi ikiorteqalersitnissami naliliisarnissami periuusissatut
siunnersut.**
- Imm. 10 Qeqqata Kommuniani taxat amerlassusii.**
- Imm. 11 Sulinnigiffeqareernerup kingorna kommunalbestyrelsimut ikkuteqqinneq – Karl
Davidsen.**
- Imm. 12 Tamalaat.**

Ataatsimiinneq aallartippoq nal. 8.55

Peqataasut:

Atassut

Godmand Rasmussen, Sisimiut
Søren Alaufesen, Sisimiut
Bitten Heilmann, Maniitsoq

Demokraatit

Palle Christiansen, Sisimiut – Imm. 05-imiit Imm. 10 ilanngullugu peqataanngilaq

Inuit Ataqtigiit

Anda Berthelsen, Sarfannguit (Katrine Larsen Lennert taarserlugu)
Agathe Fontain, Sisimiut
Mimi Karlsen, Maniitsoq
Beathe Poulsen, Atammik

Siumut

Hermann Berthelsen, Sisimiut
Karl Lyberth, Maniitsoq
Evelyn Frederiksen, Sisimiut
Alfred Olsen, Sisimiut
Fritz Baumann Petersen, Kangerlussuaq (Efraim Olsen taarserlugu) – matoqqasuni peqataanngilaq
Hans Frederik Olsen, Sisimiut
Morten Siegstad, Sisimiut

Nalunaaruteqarlutik peqataanngitsut:

Katrine Larsen Lennert (IA)
Efraim Olsen (S)

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Tamalaani apeqquiteqaatit:

Agathe Fontain: Minngortuunnguup Atuarfiani pisut nalunaarutini ilanngunneqarnissaat.

Beathe Poulsen: Kommunalbestyrelsimi oqaluuserisassat qanoq tulleriiarneqartarneri.

Mimi Karlsen: Qimarngueqarneq pillugu suliaq Ilaqutariinnermut ataatsimiititaliamiinnikoq pillugu ujartuineq.

Oqaluuserisassat akuersissutigineqarput.

Imm. 02 Borgmesterip nalunaarutaa

Aalajangiineq

Tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Oqaaserineqartut ilanngullugit tusaatissatut tiguneqarput.

**Imm. 04 Alcoa, Namminersornerullutik Oqartussat Qeqqatalu Kommuniata akornanni
suleqatigiinnissamut isumaqatigiissutissatut siunnesuut pillugu paasissutissiissut**

Journalnr.

Tunuliaqutaq

Alcoa aamma Namminersornerullutik Oqartussat kommunilu peqataasup akornanni annertunerusumik suleqatigiinnissamik atsiortoqarnissaanik Maniitsup Sisimiullu kommunerisimasaat malitsigisaanillu Ikaarsaariarnermi ataatsimiititaliaq Qeqqatalu Kommuniata sivisuumik sulissutigisimavaat.

Greenland Development aamma Qeqqata Kommuniata allaffeqarfii suleqatigiillutik suleqatigiinnissamut siunnersuusiornikuupput.

Maleruagassatigut tungavissaq

Suleqatigiinnissamik isumaqatigiissusiornissamut kommuni nammineerluni aalajangiisnaatitaavoq.

Pissutsit atuuttut

Alcoa, Namminersornerullutik Oqartussat Qeqqatalu Kommuniata akornanni suleqatigiinnissamut isumaqatigiissutissatut siunnersuut illoqarfittaassamik Maniitsullu qeqertaani pisunik misissuinerik sammisaqarfiuneruvoq.

Alcoap Namminersornerullutillu Oqartussat akornanni suleqatigiinnissamik isumaqatigiissummi atuuttumi erngup nukinga atorlugu nukissiuuteqarsinnaaneq, nukissiuutit aqutissaat, avatangiisinut tungasut minnerunngitsumillu piginnittusaaanermut tungasunut misissuinerit sammineqarnerupput.

Aningaasaqarnikkut allaffissornikkullu kingunerisinnaasai

Suleqatigiinnissamut isumaqatigiissut kommunimut annertunerusumik aningaasartuutitik kinguneqassanngilaq. Illuatungaaticullu illuatungeriit akornanni suleqatigiinnissamut suleqatigiinnissatut isumaqatigiissut imaqarpoq, taamaalilluni illoqarfittaassaq pilersarusiorneq aallartinneqarniassammat aammalu illuatungeriit akornanni ilisimasat tamanut pitsaanerpaamik atornerqarniassammata.

Allaffeqarfiup naliliinera

Allaffeqarfiup aalajangiisussatut isigaa, suleqatigiit pingasuusut akornanni suleqatigiinnissamut isumaqatigiissusiortoqartariaqartoq. Island-imi misilittakkat takutippaat, aluminiumik suliffeqarfik pillugu, island-ip naalagaaffia (Namminersornerullutik Oqartussani) aamma kommuni qanittumik suleqatigiinnissatut pingaaruteqartorujussuusoq, taamaalilluni taamak annertutigisumik pilersaarmmik pilersarusiorneq illuatungeriinnut tamanut naammaginantumik ingerlasinnaaniassammat.

Allaffeqarfiup innersuussutaa

Aatsitassanut Attaveqatigiinnermullu ataatsimiititaliamut innersuussutigineqarpoq, suleqatigiinnissamut isumaqatigiissutitut siunnersuut akuersissutigineqassasoq.

***Kommunalbestyrelsis maajip 29-ani 2009-mi ileqquusumik ataatsimiinnerata 03/2009-p
imaqarniliornera***

Aatsitassanut Attaveqaqatigiinnermullu ataatsimiititaliap suliamik suliarinninnera

Aatsitassanut Attaveqaqatigiinnermullu ataatsimiititaliap 2009-mi majip 11-ani ataatsimiinnermini allaffeqarfiup innersuussutaa akuersissutigaa.

Aatsitassanut Attaveqaqatigiinnermullu ataatsimiititaliap innersuussutaa

Aatsitassanut Attaveqaqatigiinnermullu ataatsimiititaliap suleqatigiinnissamut isumaqatigiissutitut siunnersuut aningaasaqarnermut ataatsimiititaliap akuersissutigissagaa innersuussutigaa

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 22-ani 2009-mi ataatsimiinnermini suliaq suliarivaa.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Tusaatissatut tiguneqarpoq.

Ilangussaq

Ilangussaqanngilaq

Imm. 05 Missiliut A-tut siunnersuut 2 ilinniagalinnut inissiat 30-t kiassaateqarfik ilanngullugu

Journalnr. 06.01.03 konto 70.52

Tunuliaqutaq

Sisimiut kommuneani kommunalbestyrelsi 28.8.2007-mi ataatsimiinnermini 12,976 mill. koruuninik Adammip aqputaani ilinniagalinnut inissiassanut 30-inut aningaasaliissuteqarpoq.

Sisimiut kommuneata aningaasaqarnermut ataatsimiititaliaatalu 02/2008-mi ataatsimiinnermini imm. 07-tut 6.008 mill. koruuninik ilinniagalinnut inissialiornissqamut aningaasaliissuteqartoqarnissaa akuersissutigalugu.

Namminersorerullutik Oqartussat 21.5.2007-imi kvardratmeterimut aalajangersimasumik ilinniagalinnut inissianut 30-inut 30m²-inut 8.730.000 koruuninik tapiissuteqarniarlutik nalunaarutigivaat, kiisalu ilinniagalinnut inissanut 1,2m²-nik annerusunut ilassutitut 349.200 koruuninik tapiissuteqarlutik 11.7.2008-mi nalunaarutigalugu, Namminersorerullutik Oqartussat tapiissutaat katillugit 9.079.200 koruuninngorlutik.

2007-imi missingersuutitigut aningaasaliissutit 2,967 mill koruuniupput, ukiorlu 2008-mi ilanngaattissat ilanngaatigereerlugit aningaasaliissutit 2,083 mill. koruuniullutik, 2009-milu missingersuutitigut 17,2 mill. koruunit aningaasaliissutaallutik, kiisalu 2009-mi missingersuutitigut 17,2 mill. koruunit immikkoortitaallutik, 2010-milu 5,804 mill. koruunit, tassalu katillugit 28,054 mill. koruunit.

Kommunip akuersissutai namminersorerullutillu oqartussanit utertitassat ilanngullugit, aningaasaliissutit katillugit 37,133 mil. koruunit killigalugit.

Maleruagassatigut tungavissaq

Aqutsinermi inatsit suliassanillu agguataarinissamik Namminersorerullutik Oqartussanik isumaqatigiissut naapertorlugit kommunalbestyrelsi sanaartugassanut aningaasaliissuteqarnissamut oqartussaasuvoq. Namminersorerullutik Oqartussat inissiat angissusiinut aalajangersimasumik aningaasaliissutissanut tapiissuteqarpoq, taamaattumillu sanaartorneq akisunerulissagaluarpat allannguuteqartussaananik.

Pissutsit atuuttut

Juulimi 2007-imi Kitaa Arkitektit ilinniagalinnut inissialiornissami kiassaateqarfiliornissaq ilanngunnagu pilersarusiornermi, nakkutilliinissamik sanaartornermilu isumaginnittuunissamik siunnersuisuunissaannik isumaqatigiissuteqartoqarpoq. 2008-mi Rambøll-ikkunnik ilinniagalinnut inissialiornissami, nakkutilliinissamik, kiassaateqarfiliornissamik sanaartornermilu isumaginnittuunissamik isumaqatigiissuteqartoqarluni.

Maajimi 2008-mi suliariumannittussarsiuussereernerup kingorna, entreprenørinik isumaqatigiissutit juulimi 2008-mi suliarineqarlutik.

Septembarip allartinnerani 2008-mi suliassap ingerlatilernerani paasineqarpoq, immikkoortortami pilersarusiap killiliussai naammassineqarsimanngitsut, eqqaamiussanillu tusarniaareennikkut pilersarusiaq allanngortinneqarluni, avannamut eqqaamiussat tungaannut immikkoortortaa inissianik pingasunik naalillugu, immikkoortortarlu nutaaq 7-i pingasunik inissiatalik kangimut ilassutigalugu. Taama pilersaarummik allannguinuq assessorlutik sulisussanut suliassaqartitsinerulissaaq taamalu immikkut ilassutitut aningaasartuutaassalluni.

Ilinniagalinnut inissiat taakku 30-iussat tungaannut aqquteqarfissaat ingeniørinngornianut inissiat aqquteqarfianiittussaammatt, ilinniagalinnut inissiat aqquteqarfissaat qulleqarfissaallu ingeniørinngornianut inissiaqarfissamut pilersarusiornermi naapertuuttunngorsagaasussaapput. Taamaalilluni immikkut ilassutitut aningaasartuutaassallunittaaq.

Tamakku saniatigut 2008-p 09-llu ukiaani apinerusimavoq, taamaalillunilu aamma aputaajaanermut 0,709 miil. koruuninik aningaasartuutaanerumalluni, tassa katillugit 1,983 mill. koruunit immikkut aningaasartuutaanerullutik.

Ilinniagalinnut inissiat kiassarneqarsinnaaqullugit Nukissiorfiit Adammip aqquataani kiassaateqarfianniit B-961-imiit attaviliisoqartussaavoq. Taama attaviliinissaq aallaqqaammut ilinniagalinnut inissialiornissamik pilersaarusiameerit peerneqarnikuuvoq, kisiannili pisariaqarluni tassa immikkoortami pilersaarusiormermit attaviliinissaq piumasaqaataammat. Kiassarnermut attavik Nukissiorfiit peqatigalugit iluarsisaasaaq, aningaasanullu inatsimmi tamanna akuerisaassappat, Nukissiorfiit kiassarnermut attavik tigussavaat, sanaartornermullu kommunip aningaasartuutai matussusissallugit. Kiassarnermut attaviliinissaq 14.5.2009-mi suliariumannittussarsiuunneqassaaq, sanaartornissamilu missiliuut B naapertorlugu 1,022 mill. koruuneqassalluni.

Aningaasaqarnikkut allaffissornikkullu kingunerisinnaasai

Ilinniagalinnutinissiat taakku 30-it immikkoortuni arfinilinni suliasat kiisalu kiassaateqarfissaq maajimi 2008-mi A-mik 27,781 mill. koruuninut Kitaata missiliuusiornikuuaa.

5.5.2009-mi Kitaata missiliuut A iluarsisaq ilanngunneqartoq suliarivaa, tassa 29,831 mill. koruuninik nalilik.

Kiassaateqarfimmut 1,022 mill. koruunit aningaasartuutissat ilanngullugit, sanaartornermi ataatsimut katillugit aningaasartuutissatut killiliussaallutik 30,853 mil koruunit. Taamaalilluni sanaartornermi aningaasartuutissat inissiamut ataatsimut 1,028 mill. koruuniussallutik, imlt. Kvardratmeterimut 28.568 koruunit.

Allaffeqarfiup naliliinera

Sanaartorneq aallartinneqareersoq naammassillugu suliarisariaqarpoq, sanaartornermilu katillugit aningaasartuutissatut killiliussat 31 mill. koruuninut inissittariaqarlutik. Taamaakkaluarli immikkut aningaasaliissuteqarnissaq pisariaqassanngilaq, tassa missingersuutitigut aningaasaliissutissatut killiliussat namminersornerullutik oqartussat tapiissutaat ilanngullugit 37,133 miimmata, tassalu missingersuutitigut killiliussamut nutaamut sanilliullugit 6,133 mill. koruuninik sinneqarlutik. Taamaattumik kommunip sanaartornermi aningaasartuutissai 6,133 mill. koruuninik annikillineqarsinnaallutik.

Sanaartornermi piffissaliussaq nutaaq naapertorlugu, entreprenøriniilli suli akuerisaanngitsoq, sanaartorneq 2010-p ukialernerani naammassineqassaaq, taamaattumillu aappaagumut sanaartornermut aningaasartuutissat annikitsuinnaassallutik. Taamaattumik ukioq manna kommunip aningaasaliissutai 3,1 mill. koruuninik appartinneqarsinnaapput, 2010-milu 3,033 mill. koruuninik.

Nukissiorfiit kingusinnerusukkut kiassaateqarfiliornissamut aningaasaliissuteqarfiussappata, sanaartornermi kommunimut akiliutissaat karsimiittuutitut ikineqarumaarput.

Teknikkimut avatangiisinullu immikkoortortap innersuussutaa

Teknikkimut avatangiisinullu immikkoortortap Teknikkimut avatangiisinullu ataatsimiititaliamut innersuussutigaa, aningaasaqarnermut ataatsimiititaliamit Kommunalbestyrelsimiillu akuersissutigineqartussanngorlugu innersuussutigineqassasoq,

matuma qulaani pineqartut naapertorlugit aningaasaliissutit iluarsiiqqineqassasut, taamaalilluni ilinniagalinnut inissiassanut ataatsimut katillugit aningaasaliissutitut killiliussat kiassaateqarfissaq ilanngullugu 31 mill. koruuninngorlugu, namminersornerullutillu oqartussat tapiissutissaat ilanngukaanni imaalissalluni, ukioq manna killor-mut 3,1 mill. koruuninik aningaasaliissuteqartoqassalluni, kiisalu 2010-mi missiliuutit 3,033 mill. koruuninik annikillillugit.

Teknikkimut avatangiisinullu ataatsimiititaliap suliamik suliarinninnera

Teknikkimut avatangiisinullu ataatsimiititaliap 2009-mi maajip aqqarngani ataatsimiinnermi immikkoortortap innersuussutaa akuersissutigaa.

Teknikkimut avatangiisinullu ataatsimiititaliap innersuussutaa

Aningaasaqarnermut ataatsimiititaliamit kommunalbestyrelsimiillu akuersissutigineqartussanngorlugu Teknikkimut avatangiisinullu ataatsimiititaliap innersuussutigaa,

matuma qulaani pineqartut naapertorlugit aningaasaliissutit iluarsiiqqineqassasut, taamaalilluni ilinniagalinnut inssiassanut ataatsimut katillugit aningaasaliissutit killiliussat kiassaateqarfissaq ilanngullugu 31 mill. koruuninngorlugu, namminersornerullutillu oqartussat tapiissutissaat ilanngukaanni imaalissalluni, ukioq manna killor-mut 3,1 mill. koruuninik aningaasaliissuteqartoqassalluni, kiisalu 2010-mi missiliuutit 3,033 mill. koruuninik annikillillugit.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 22-ani 2009-mi ataatsimiinnermini Teknikkimut Avatangiisinullu ataatsimiititaliap innersuussutaa akuersissutigivaa.

Innersuussut

Aningaasaqarnermut ataatsimiititaliap aalajangiinera kommunalbestyrelsimut akuereqqullugu innersuussutigineqarpoq.

Aalajangiineq

Sisimiuni ilinniartut inaasa innarluutilinnut atorneqarsinnaasunngorlugit allanngortiterneqarnissaat pillugu borgmesterip aalajangiisimanera pillugu Borgmesteri ilisimatitsissuteqarpoq.

Tusaatissatut tiguneqarpoq.

Ilanngussat

1. Kitaata 5.5.2009-mi missiliuutaa A.
2. Rambøll kiassaateqarfissamut 5.5.2009-mi missiliuutaa B.

**Imm. 06 Qinguata Atuarfiata, Kangerlussuaq qinnuteqaata 10. klassi-nik
pilersitsinissaminnut 1. august 2009-mit, ukioq atuarfiusumut 2009 / 2010-imut**

Journalnr. 51.00 / QA – Kangerlussuaq

Tunuliaqutaq

Atuarfimmi Siulersuisut allagaqarlutik februar-ip qaammataani allattoqarfimmut saaffiginnipput, ukioq atuarfiusussaq 1. august 2009-i aallarnerfigalugu, 10. klasse-mik pilersitserusullutik.

Atuartut amerlassusissaanik missingersuusiorneq:

Qulaani suliasamat atatillugu naatsorsuutigineqarpoq, nunaqarfinni atuartut sulii atuartinneqartar-nissaat nunaqarfinni ataasiakkaani soorlu ullumikkut taamatorluinnaq atuaqatigiit ingerlanneqartut. Qeqqata Kommuniata atuarfeqarfimmi aaqqissuusasaanerata allangortinneqarnissaa eqqarsaatigi-guniuk, tamatumunnga suleqatigiissitap ilisimatinneqarnissaa pingaarpoq, nunaqarfinni illoqarfin-nilu atuarfeqarfinni ilinniartitsinissamat atuartut inissaannik pisariaqartitsinerup naatsorsorneqar-nissaanut sunnuteqaqataassamat Sisimiut illoqarfianut. Kommuunit tamarmik atuarfimmi aaqqis-suusasaanerat misissussavaat, kommuninilu ataasiakkaani klassit suut ilinniartinneqartarnissaat aala-jangiiffigissallugu. Aalajangiineq naaportorlugu ukiumut tallimanut tulliuttunut – ukioq 2013 / 2014-mi atuarfiusoq ilanngullugu – kommune-mi atuarfinni tamani atuartut amerlassusissaannut kommuunit missiliuutiliussapput, allattoqarfiullu ilanngutereersimavaa ukioq atuarfiusussaq 2014 / 2015-i. Atuartut inissaannik pisariaqartitsinerup paasineqarnissaannut, atuarfiup aaqqissuusasaanissaanut aalajangiineq aallaavigalugu aamma piffissami tassani atuartut inaannik pisariaqartitsinissamat missiliuutiliortoqassaaq. Ilangullugu kommuunit tamarmik atuartunut inaatillit maanna atuartunut inaatit qassit pigineqarnersut nalunaarutigissavaat.

Atuartut amerlassusaat Qinguata Atuarfiani ima amerlatigissapput ukioq atuarfiusumi 2009 / 2010-mi 86-it aammalu 105-it missaanniissallutik ukioq atuarfiusoq 2014 / 2015-imi.

Tabel 1: Atuartut amerlassusaat suliarineqarsimasoq februarimi 2009-imi.

Qinguata Atuarfia							
Elevprognose	2008 / 2009	2009 / 2010	2010 / 2011	2011 / 2012	2012 / 2013	2013 / 2014	2014 / 2015
1. klasse	9	11	12	19	6	7	14
2. klasse	9	9	11	12	19	6	7
3. klasse	7	9	9	11	12	19	6
4. klasse	6	7	9	9	11	12	19
5. klasse	7	6	7	9	9	11	12
6. klasse	12	7	6	7	9	9	11
7. klasse	4	12	7	6	7	9	9
8. klasse	7	4	12	7	6	7	9
9. klasse	8	7	4	12	7	6	7
10. klasse	1.-9. kl.	9	7	4	12	7	6
	70	81	84	96	98	93	100
Specialkl.							
Allanit nuunne-rit.		5	5	5	5	5	5
Katillugit atuar-tut.	70	86	89	101	103	98	106

**Kommunalbestyrelsis maajip 29-ani 2009-mi ileqqussumik ataatsimiinnerata 03/2009-p
imaqarniliornera**

Tabel 2: Atuartut amerlassusaat, kollegiami Sisimiuni: Itilleq og Sarfannguit.

Itilleq & Sarfannguit.							
Elevprognose	2008 / 2009	2009 / 2010	2010 / 2011	2011 / 2012	2012 / 2013	2013 / 2014	2014 / 2015
Itilleq		4	2	4	2	2	2
Sarfannguit		5	2	3	1	1	2
Nunaqarfinni atuartut	6	9	4	7	3	3	4
Katillugit atuartut	6	9	4	7	6	6	8
Allanit nuunne-rit.							
Katillugit atuartut.	6	9	4	7	6	6	8

Maleruagassatigut tunngavissat

Atuarfik pillugu Inatsisartut peqqussutaat nr. 8, 21. maj 2002-meersumit.

Pissutsit atuuttut

Qulaani eqqaaneqareersutuut kommunit tamarmik atuarfigisami aaqqissuussaanerat misissussavaat, kommuune-ilu atuarfinni ataasiakkaani atuartut sorliit atuarinneqartarnissaat aalajangiiffigissalugu. Ullumikkut Sisimiuni atuarfiit aaqqissuussaanerat (ukioq atuarfiusoq 2008 / 2009-imi) ima isikkoqarpoq:

Figur 1: Sisimiuni atuarfiit aaqqissuussaanerat Sisimiuni nunaqarfiinilu: Itilleq Sarfannguit aammalu Kangerlussuaq.

MA


NA

Qil. A.

QA

SA

IT. A



2004-imi taamanikkut Sisimiut Kommuuniugallarmat aalajangertoqarsimavoq Kangerlussuarmi atuatigiiit atuarinneqartalissasut 1. klasse-mit 10. klasse ilanngullugu, ukioq atuarfiusumiit 2008 / 2009-imit.

Kisiannili Qinguata Atuarfiata, Kangerlussuarmiittup kissaatigisimavaa eqqarsaatigeqqaarniarlugu 10. klasse-qalissanerlutik ukioq atuarfiusoq 2008 / 2009-mi, kinguartikkallarniarlugu kingusinnerusumut aalajangigarlu 2004-imeersoq kinguartinneqarnissaa kissaatigisimallugu.

Aammalu atuartut Itilliminngaanneersut aammalu Sarfanngwaneersut atuariatortalissatut illoqarfimmut, atuartut angerlarsimaffianiilereertassasut 9. aammalu 10. klasse-mi, aallartittumik ukioq atuarfiusoq 2008 / 2009.

Atuarfiit 11. klasse-nik atuartuerummatali ukioq atuarfusumit 2008 / 2009-mi, malitseqarpoq atuarfinni aammalu atuartut angerlarsimaffiani inissaqarnerulerneq Sisimiuni aammalu inissaqarnerulertoqarluni atuarfinni Itillimiittumi aammalu Sarfannguani.

Allattoqarfiup nalilerpaa, atuartut eqqarsaatigalugit atuarnermi tamaat atuarfimmi ataatsimi atuassaguni pitsaanerusoq.

Misilitsinnissaq assigisaallu eqqarsaatigalugit pissutsit patsisaallutik atuartut atuarfimmut allamut nuussagunik siusissu-mik nuukkunik pitsaanerpasassasoq, taamaaliornikkut atuartut atuarfigiligassaminni pissutsinik ilisimaaarinnilernias-sammata.

Maannakkut – Sarfannguani ilinniartitsisussaqaarniarneq ajornartorsiutigineqarpoq.

Kangerlussuarmilu ukiuni kingullerni marlunni ilinniartitsisunik ilinniarsimasunik 90 %-i tikillugu sulisoqarsimavugut.

Nunaqarfinni Itillimi aammalu Sarfannguani misilitsinnissat ingerlanneqarnissaat ajornartutut isigineqarpoq. Nunaqar-finni 9. klasse-qartarneq illoqarfimmi atuarfinnut nuutsinneqassapat, maannakkut ilinniartitsisuusut atuartunut minner-nut ilinniatitsinissaminnik piffissaqarnerulissagaluarput.

Itillimmi aammalu Sarfannguani siunnersuutit 2004-imi oqalligigingaatsiarsimavaat aammalu ataatsimiisitsinerni nunaqarfimmi innuttaasunik aammalu atuarfimmi siulersuisunik ingerlanneqarsimallutik. Nunaqarfimmiut isumaqati-gaat atuarneq ataavartumik tunngaviusariaqartoq kipitinneqassananilu, nassuerutigaallu ilinniartitsisussaqaarniarneq ajor-nakusoorsinnaasoq aammalu ilinniartitsisunik misilitsisinnasunik pissarsinissaq. Nunaqarfiillu marluk makkua taper-serpaat.

1: Atuartut angerlarsimaffianni nakkutillineq pitsanngorsartariaqarpoq, atuartummi suli ukiukinneraluttuinnarput pisa-riaqartitsillutillu tapersersorteqarnissamik minnerunngitsumik pisariaqartitillutik illersorneqarnissamninnut qinngasaar-tinneqalissagaluarunik.

2. 7. klasse-mi aammalu 8. klasse-mi kollegiami najugaqalertussat illoqarfimmi atuarfinnut tikeraartarnissaat piffissami sivikitsumi pisariaqarpoq, taamaasillutik nunaqarfinni atuartut kigaatsumik kollegiami aammalu atuarfissaminnut sungi-ussilereersimaniassammata.

Allattoqarfiup nunaqarfimmiut isumaqatigaat taakkua pissutit marluk saniatigut siunnersuutigalugu atuartut angerlar-simaffianni nakkutilliisut ukiumut ataasiarlutik angajoqqaanik 8. klassiutilinnut paasisutissanik tunnisiartortarnissaat ingammik qanoq atuartut angerlarsimaffianni inuusoqartarnersoq, siunertaasariaqarpormi nunaqarfimmit illoqarfimmut ajornannginnerusumik eqaatsumillu ikaarsaariarnissaq.

**Kommunalbestyrelsisp maajip 29-ani 2009-mi ileqqusumik ataatsimiinnerata 03/2009-p
imaqarniliornera**

Tabel 3: Kollegiami najugaqalertussat Itillimit aammalu Sarfannguanit.

Itilleq & Sarfannguit.							
Elevprognose	2008 / 2009	2009 / 2010	2010 / 2011	2011 / 2012	2012 / 2013	2013 / 2014	2014 / 2015
Itilleq		4	2	4	2	2	2
Sarfannguit		5	2	3	1	1	2
Nunaqarfinni Atuartut	6	9	4	7	3	3	4
Katillugit atuartut	6	9	4	7	6	6	8
Allaninngaanniit najugaqartussat							
Katillugit atuartut	6	9	4	7	6	6	8

Tabel 4: Atuartut angerlarsimaffianni najugaqartussat Itillimit Sarfannguanit aammalu Kangerlussuarmit.

Itilleq, Sarfannguit & Kangerlussuaq.							
Elevprognose	2008 / 2009	2009 / 2010	2010 / 2011	2011 / 2012	2012 / 2013	2013 / 2014	2014 / 2015
Itilleq		4	2	4	2	2	2
Sarfannguit		5	2	3	1	1	2
Kangerlussuaq		8	7	4	12	7	6
Nunaqarfimmi atuartut		17	11	11	15	10	10
Katillugit atuartut	6	17	11	11	15	10	10
Kommuuninit allanit nuunnerit							
Katillugit atuartut	6	17	11	11	15	10	10

Tabel 5: Takutippaa missingersuut Qinguata Atuarfia-nut, 2009-imit 2014-ip tungaanut.

	2009	2010	2011	2012	2013	2014
Qinguata Atuarfia.	6.743 mio. kr.	7.141 mio. kr.	7.141 mio. kr.	7.141 mio. kr.	7.141 mio. kr.	7.141 mio. kr.

2009-mi missingersuutinit aningaasaliissutit immikkoortinneqarsimapput 6,743 mio. kr.-nit.

Ullumikkut tiimit atorpeqartut ukioq atuarfusumi 2008 / 2009-mi katillugit 23.389,25 tiimiupput, atorfiit katillugit 13,08-llutik, ilinniartitsisunut pisortamullu.

Ukiup tullissaanut 2009 / 2010-imut atuarfusumut pilersaarutit ima isikkoqarput, atuartitsinerit tiimit 26.289,25 tiimit atorpeqassallutik, atorfiit katillugit 14,19-llutik, ilinniartitsisunut pisortamul-lu.

Atorfinitsitsineq suli pisariaqartinneqassaaq ilinniartitsisoq 1,11-eq.

**Kommunalbestyrelsep maajip 29-ani 2009-mi ileqqusumik ataatsimiinnerata 03/2009-p
imaqarniliornera**

Tabel 6: Sisimiut illoqarfiani nunaqarfinnilu tiiminik agguataarineq ima isikkoqarpoq ukioq atuarfiusoq 2008 / 2009-mi.

Sisimiut by og bygder Tiiminik agguataarineq/Timefordelingsplan		Nukarliit/Yngstetrin			Akulliit/Mellemtrin				Angajulliit/Ældstetrin		
		1.kl.	2.kl.	3.kl.	4.kl.	5.kl.	6.kl.	7.kl.	8.kl.	9.kl.	10.kl.
Fagtit	Fag/fagområde										
Sprog:	Kalaallisut	210 (7)	210 (7)	210 (7)	210 (7)	210 (7)	180 (6)	150 (5)	150 (5)	150 (5)	150 (5)
	Dansk	90 (3)	120 (4)	120 (4)	120 (4)	120 (4)	120 (4)	150 (5)	120 (4)	150 (5)	150 (5)
	Engelsk				60 (2)	60 (2)	90 (3)	120 (4)	90 (3)	90 (3)	150 (5)
	3. fremmedsprog								90 (3)	90 (3)	90 (3)
Kultur og samfund:	Samfundsfag/historie	30 (1)	30 (1)	30 (1)	30 (1)	30 (1)	60 (2)	60 (2)	60 (2)	60 (2)	60 (2)
	Religion/filosofi	30 (1)	30 (1)	30 (1)	30 (1)	30 (1)	30 (1)	30 (1)	30 (1)	30 (1)	30 (1)
Matematik og natur:	Matematik	120 (4)	120 (4)	120 (4)	150 (5)	150 (5)	150 (5)	150 (5)	150 (5)	150 (5)	150 (5)
	Naturfag	30 (1)	30 (1)	30 (1)	60 (2)	60 (2)	90 (3)	90 (3)			
	Fysik/kemi								60 (2)	90 (3)	90 (3)
	Biologi								60 (2)	60 (2)	60 (2)
	Naturgeografi								60 (2)	60 (2)	60 (2)
Personlig udvikling:		60 (2)	30 (1)	30 (1)	60 (2)	30 (1)	30 (1)	60 (2)	30 (1)	30 (1)	30 (1)
Lokale valg:		150 (5)	150 (5)	150 (5)	180 (6)	240 (8)	240 (8)	180 (6)	120 (4)	120 (4)	120 (4)
	Håndværk og design										
	Kunst og arkitektur										
	Idræt og udeliv										
	Musik, sang, bevægelse og drama										
I alt ugenorm		24	24	24	30	31	33	33	31	33	35
I alt årsnorm		720	720	720	900	930	990	990	930	990	1020

Eqimattakkuutaartunik pilersitsineq:

Siornatigut nalinginnaasumik immikkut atuartitsineq aammalu immikkut aqqissuilluni qallunaatut aammalu kalaallisut atuartitsineq: 6 tiimit atuartumut agguanneqartartut

ataatsimut. 1. klasse-nit 10. klasse-mut.

40 tiimit atuaqatigiinnut agguanneqartartut atuaqatigiinnut 1. klasse-mit 10. klasse-mut.

Aningaasaqarnermut aammalu allaffissorninnut kingunerisassat

10. klasse-nik pilersitsinerup kingunerisavaa Kangerlussuarmi, atorfimmik 1,11-mik pilersitsisoqassamat / ilinniartitsisoq. Ilinniartitsisoq löntrin-imiissappat 26-imi. Taava ukiup sinneranut imikkut aningaasaliisoqaqqissaat katillugit kr. 165.656,05-inik.

Ukioq 2010-mut immikkut aningaasaliisoqaqqissaq katillugit kr. 397.574,52-inik-

	Konto nr.	beløb
Karsimit tiguneqartussa		- 165.656,05
Immikkut aningaasaliineq Qinguata Atuarfianut	51-01-30-01-10	+ 165.656,05


Kingusinnerusukkullu isummerfigineqartussaavoq atuartut angerlarsimaffianiittussat Sisimiuni imaluunniit Maniitsumi najugaqassanersut, arlaat matullugu, Qeqqata Kommuuniata nunaqarfimmi najugaqartut arlaanniitinniarlugit aalajangerniartussaammattigit.

Allattoqarfiup aningaasaqarnikkullu allatseqarfiup oqaaseqaataat:

Allaffeqarfiup naliliinera:

Figur 2: Siunissami atuarfeqarfiup ingerlanneqarneranut Sisimiuni, Itillimi aammalu Kangerlussuarmi isikkussaa.

MA NA Qil. A. QA SA IT. A



Ukiup tullissaanut 2009 / 2010-mi tiiminik agguassineq ima isikkoqassaaq 26.289,25 tiimit, 14,19-inut atorfinnut pilersitsissalluni ilinniartitsisut pisortaasullu atorfiinut.

Atorfimmi nutaamik pilersitsineq ilinniartitsisumik 1,11-imik.

Ukiup sinneranut 2009-imut, immikkut aningaasaliisoqartariaqarluni katillugit 165.656,05 kr-nit.

2010-mullu immikkut aningaasaliisoqartariaqarluni katillugit kr. 397.574,52 kr-nit.

Ilinniartitaanermut immikkoortortap innersuussutaa

Ilinniartitaanermi immikkoortoqarfik Sisimiuneersup innersuussutigissavaa ataatsimiisitaliamut 10. klasse-mik pilersitsisoqassasoq Qinguata Atuarfiani, Kangerlussuarmi.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap apriliip 27-ani 2009-mi ataatsimiinnermini suliaq suliarivaa.

Innersuussutigineqartut akuersissutigineqarput aningaasartuutissanullu matussutissat nuussisoqarsinnaanerani misissuisoqassaaq. Aningaasaqarnermut ataatsimiititaliamut ingerlateqqinneqassapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 22-ani 2009-mi ataatsimiinnermini suliaq suliarivaa.

Innersuussut

Kangerlussuarmi Qinguata Atuarfiata 10. klassinik 1. august 2009-miit, ukioq atuarfiusumut 2009/2010-mut pilersitsinissamut qinnuteqaata kommunalbestyrelsimut akuereqqullugu innersuussutigineqarpoq.

Aalajangiineq

Innersuussutigineqartoq akuersissutigineqarpoq.

Ilanngussaq

Ilanngussaqanngilaq

**Imm. 07 Qeqqata Kommuniani Kommunalbestyrelsimi nunaqarfinnilu aqutsisunut
ilaasortat sulinerminni akissarsiasaraluaminnik annaasaqarnerini
taartisiaqartitaanissamut najoqqutassaq**

Journalnr. 03.08.00

Tunuliaqutaq

Decembarimi 2008-mi Inatsisartut kommunit aqunneqarnerinut inatsit nutaaq, Kommunit aqunneqarnerat pillugu Inatsisartut inatsiaat nr. 14, 5. december 2008-meersoq akuersissutigivaat. Tamatumalu malitsigisaanik aamma decembarimi 2008-mi Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersornerullutik Oqartussat nalunaarutaat nr. 29, 18. december 2008-meersoq aamma suliarineqarluni. Taamalilluni nalunaarummi malittarisassat kommunalbestyrelsinut inatsit ilanngullugu kommunalbestyrelsinut ilaasortat akissarsiaat nutaaliordfigineqarlutik, kiisalu kommunalbestyrelsimut ilaasortat sulinerminni isertitassaraluinut annaasat akilerneqartarnissaat ilanngullugit.

Tamanna tunngavigalugu allaffeqarfiup sulinermi akissarsiasaraluaminnik annaasaqarnermi najoqqutassat suliarisimavai.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 14, 5. december 2008-meersoq, kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersornerullutik Oqartussat nalunaarutaat nr. 29, 18. december 2008-meersoq.

Pissutsit atuuttut

Kommunalbestyrelsimi ataatsimiinnermi peqataanermi akissarsiasaraluaminnik annaasaqarnermi taarsivigineqarnissaq inatsit malillugu periarfissaqanngilaq, tamannalu tunngavigalugu kommunalbestyrelsimut ilaasortata aningaasarsiaqarnerat qaffaavigineqarluni.

Pisut tullinnguuttut najoqqutassiani ilaatinneqanngillat:

- Kommunalbestyrelsinu ilaasortaat akissarsiat aalajangersimasut, tak. aqutsinermi inatsisip § 65-ani, imm. 1. Akissarsiat aalajangersimasut ilaatigut tulliuuttugit matussusiisussaapput kommunalbestyrelsimi taassumalu ataatsimiititaliaani ataatsimiititaliaasalu ataatsimiititaliani ataatsimiinnernut kiisalu qinersereernerup kingorna kommunalbestyrelsimi ilaasortatut ataatsimiinnerni peqataanerinut, tamatumani allatigut tunngavilimmik immikkut akissarsiaqartitsisoqanngippat.
- Nunaqarfinni aqutsisut akissarsiaat aalajangersimasut.
- Selskabit, peqatigiiffiit, aningaasaateqafiit il.il. siulersuisuini kommunalbestyrelsimi toqqa-gaalluni ilaasortaanermit, tassa toqqaasoq kommunalbestyrelsimi nunaqarfinniluunniit aqutsisunut ilaasortaanngippat
- Ataatsimiititalianut siulersuisunulluunniit ilaasortat, toqqaannartumik kommunalbestyrelsimi toqqaanngitsut

Nalunaarummi § 9-mi allassimavoq, Kommunalbestyrelsip aalajangersinnaavaa kommunit aqunneqarnerat pillugu inatsimmi § 65, imm. 1 naapertorlugu ataatsimiinnermut il.il. ilaasunut **ullunut angalaffiusunut** atatillugu sulinermi aningaasarsiasaraluaminnik annaasanut taartisiaqartitsiumalluni.

***Kommunalbestyrelsip maajip 29-ani 2009-mi ileqquusumik ataatsimiinnerata 03/2009-p
imaqarniliornera***

Najoqqutassiani siunnersuutaavoq, tullittutigut taartisiaqartitsisinnaanissaq kommunalbestyrelsip allajangissagaa (kommunalbestyrelsit pillugit inatsimmi § 65, imm. 1-mi ilaasoq):

1. Kommunalbestyrelsip ataatsimiinnerini peqataanermut kommunalbestyrelsimilu ataatsimiitaliani ataatsimiinnernut taakkunungalu atasumik suleqatigiinni peqataanermut atatillugu ullunut angalaffiusunut,
2. Kommunalbestyrelsinut qinersereernerup kingorna kommunip sullinneranut atasunut atatsimiinnernut, allanik aalajangersakkanik immikkut tunngaveqartunik akissarsiaqartitsisoqartinnagu peqataanernut atatillugu ullunut angalaffiusunut
3. Pikkorissaanernut peqataanernut, kommunalbestyrelsimit imaluunniit aningaasaqarnermut ataatsimiitaliamit kommunalbestyrelsimiiti pisinnaatinneqarneq naapertorlugu sulinermut pingaaruteqartut isigineqartuni, imm. 1 aamma imm. 2-mi suliat pineqartut tunngavigalugit peqataanernut atatillugu ullunut angalaffiusunut
4. Isumasioqatigiinnernut peqataanernut atatillugu ulluni angalaffiusunut
5. Kukkersuisut nalunaarutaata saqqummiunneqarnerani peqataanermut atatillugu ullunut angalanernut
6. Kommunalbestyrelsimit imaluunniit ataatsimiitalianiit piumaffigineqarnerit tunngavigalugit kommunimi sulianik ingerlatsinernut atatillugu ulluni angalaffiusunut
7. Suliaqarnerit allat im. 1-iiit 6-imut ataatsimiinnernut il.il. atatillugu ulluni angalanernut.

Kommunalbestyrelsimi nunaqarfinnilu aqutsisunut ilaasortanut taarsiissuteqartoqarsinnaavoq.

Najoqqutassiani aamma siunnersuutaalluni, kommunalbestyrelsip aalajangissagaa, kommunalbestyrelsimit toqqagaanermut atatillugu angalanerni, ilaasotaq toqqaannartumik kommunalbestyrelsimit toqqagaatillugu, aamma akissarsiasarluaniit annaasaqarnermi taartisiaqartitsisoqarsinnaasoq:

- Qeqqata Kommuniani qinersinermit ataatsimiitaliamut ilaasortaanermut.
- Kommunit kattuffianni (KANUKOKA) aallartitatut ilaasortaanermut
- Qeqqata Kommuniani atuisut ataatsimiitaliaannut ilaasortaanermut.
- Sisimiuni kulturikkut illorsuarmi Taserlimmi siulersuisunut ilaasortaanermut.
- Sisimiuni timersortarfimmi siulersuisunut ilaasortaanermut.
- Maniitsup timersortarfiani siulersuisunut ilaasortaanermut.
- Sisimiuni Katersugaasivimmi siulersuisunut ilaasortaanermut.
- Maniitsumi Katersugaasivimmi siulersuisunut ilaasortaanermut.
- Maniitsumi Katersortarfeqarnermut siulersuisunut ilaasortaanermut.
- Sivdle' -mi siulersuisuni ilaasortaanermut.
- "Sisimiuni Majuartaateqarfimmi" kommunalbestyrelsimit toqqakkatut ilaasortaanermut.
- Sisimiuni innuttaasut illuanni siulersuisuni toqqakkatut ilaasortaanermut.
- Sisimiuni Knud Rasmussen Højskoliani siulersuisuni ilaasortaanermut.

Siulersuisuni ilaasortaanermi, tassa imaappoq siulersuisuni ataatsimiinnermut peqataanermuinnaq aallaavilimmi attuumassuteqartunut ataatsimiinnernut ulluni angalanernut sulinissarluami annaasaqaatissanut taarsiinissamut taamaallaat akiliisoqartarpoq

Matuma siuliani ataatsimiitaliani siulersuisunilu taaneqartuni ilaasortat allat, kommunalbestyrelsimit toqqaannartumik toqqagaangitsut aamma/imaluunniit kommunalbestyrelsimi ilaasortaanngitsut najoqqutassiani pineqanngillat. Inatsisini allatigut kommunalbestyrelsip taakku akissarsiasarluaminnik annasaannut matussusiiffigisinnaanngilai, angalaneri ataatsimiinnerniluunniit peqataasarnerinut.

Sulinissaraluami annaasaqaataasunut taartisiassat annerpaamik tullinnguuttutut qaffasissuseqassapput:

1) Akissarsialinnut sulinissaraluami annaasassat uppernarsaataat **imaluunniit**

2) Nalunaarummi § 2 imm. 1-imi (borgmesterimut akissarsiat) akissarsiat taaneqartut 1/730-annut naammattumik ullormut akissarsiaqartitsineq, inuttut suliarturnerup nalaani isertitaat inunmut namminersortunut soorlu piniartunut, aalisartunut, savaatilinnut il.i. annerusumik pisuuppat, annerusumilluunniit isertitaqarneq **uppernarsarneqarsinnaappat.**

Retningslinjerne indeholder desuden formelle krav til, hvornår erstatning kan udbetales.

Najoqqutassiat Naalackersuisut Siulittaasuata Naalackersuisoqarfiani Nunami namminermi pissut-sinut allaffeqarfimmu tusarniutaanikuupput. Nunami namminermi pissutsinut allaffeqarfik najoq-qutassianut oqaaseqaatissaqarsimanngilaq, kiisalu tamatumunnga ilanngussimallugu, kommunip najoqqutassiai inatsisitigut atuuttunik illup iluani atugassaminik nammineq paasinninnerigaa, kiisalu nalunaarut tassaammat, nakkutilliisoqarfimmi arlaatigut aalajangiisoqassatillugu tunngavigine-qartussa.

Najoqqutassiat aamma BDO Kommunit Kukkunersuiuisuut tusarniutaanikuupput. BDO Kommunit Kukkunersuiuisuut najoqqutassianut oqaaseqaatissaqarsimanngillat.

Aningaasaqarnikkut allaffissornikkullu kingunerisinnaasai

Kommunalbestyrelsi qaffasinnerpaamik taartisiaqartitsinissamik aalajangiissagaluarpat, tamatumani ukiumut 262.222,20 koruunit aningaasartuutigineqassapput, tamatumani kommunalbestyrelsimi ilaasortat ukiumut agguaqatigiisillugu 250.000 koruuninik isertitaqartut naatsorsuutigigaanni, tak. aningaasaqarneq angalanerlu pillugit allakkiaq ilanngussa.

Aningaasat konto 10-01-00-16-05, Kommunit kattuneranit tiguneqassapput.

Allaffeqarfiup naliliinera

Allaffeqarfiup nalilerpaa, Kalaallit Nunaanni nunap qanoq issusii eqqarsaatigalugit kommunalbestyrelsimi ilaasortat ataatsimiinnernut atatillugu ulluni angalanernut sulinissaraluami annaasaqaatissanut taarsiinissaq naleqquttusoq.

Allaffeqarfiup innersuussutaa

1) Aningaasaqarnermut ataatsimiititaliamut innersuussutigineqassaaq isummerfigeqqullugu, qanoq isikkulerlugu kommunalbestyrelsimut ilaasortat akissarsiassaraluaminnik annaasaqartillugit taartisi-sitsisarnissaq aningaasaqarnermut ataatsimiititaliaq kommunalbestyrelsimut innersuussuteqarniar-nersoq.

Kommunalbestyrelsip tulliuttut arlaat aalajangiussinnaavaa

- a. Qaffasinnerpaamik taartisisitsisarnissaq,
- b. Qaffasinnerpaamik minnerusumik aalajangiussaqaarneq, imaluunniit
- c. Ullunut angalaffiusunut akissarsiassaraluanut annaasaqarfiusunut taartisiaqartitsisoqartassanngitsoq.

2) Taamatutaaq innersuussutigineqassaaq, Aningaasaqarnermut ataatsimiititaliap isummerfigissagaa, Aningaasaqarnermut ataatsimiititaliap Kommunalbestyrelsimut akuereqqullugu innersuussutiginiarneraa, kommunalbestyrelsimut ilaasortat tulliuttutigut kommunimi sulialittut allatigut toqqaannartumik kommunalbestyrelsimut ilaasortaanermi taartisiaqarsinnaassanersut:

- Qeqqata Kommuniani qinersinermut ataatsimiititaliamut ilaasortaanermut.
- Kommunit kattuffianni (KANUKOKA) aallartitatut ilaasortaanermut
- Qeqqata Kommuniani atuisut ataatsimiititaliaannut ilaasortaanermut.
- Sisimiuni kulturikkut illorsuarmi Taserallimmi siulersuisunut ilaasortaanermut.
- Sisimiuni timersortarfimmi siulersuisunut ilaasortaanermut.
- Maniitsup timersortarfiani siulersuisunut ilaasortaanermut.
- Sisimiuni Katersugaasivimmi siulersuisunut ilaasortaanermut.
- Maniitsumi Katersugaasivimmi siulersuisunut ilaasortaanermut.
- Maniitsumi Katersortarfeqarnermut siulersuisunut ilaasortaanermut.
- Sivadlek'-mi siulersuisuni ilaasortaanermut.
- "Sisimiuni Majuartaateqarfimmi" kommunalbestyrelsimut toqqakkatut ilaasortaanermut.
- Sisimiuni innuttaasut illuanni siulersuisuni toqqakkatut ilaasortaanermut.
- Sisimiuni Knud Rasmussen Højskoliani siulersuisuni ilaasortaanermut.

3) Taamatutaaq innersuussutigineqassaaq, aningaasaqarnermut ataatsimiititaliap akissarsiaaraluanik annaasaqarnermi taartisiaqartitaanissamut najoqqutassatut siunnersuut Kommunalbestyrelsimut akuersissutigissagaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap maajip 22-ani 2009-mi ataatsimiinnermini suliaq suliarivaa. Innersuussutigineqartut 1.a, 2 aamma 3 akuersissutigineqarput.

Kommunalbestyrelsi ataatsimiinnginnerani Namminersornerullutik Oqartussanut ullormi angalanermi ataatsimiiffiusumilu, akissaateqartitsineq sorleq atorneqassanersoq, paasiniarneqassaaq.

Ilanngussani ilanngunneqassapput inatsisit atuuttut.

Allaffeqarfiup tamatuma malitsigisaanik misissuineri

Qinersinermi ataatsimiititaliap akissarsiai akissarsianut aalajangersimasunut ilaapput, tak. aqutsinermi inatsisip § 65-ani, imm. 1.

Angalanerit ataatsimiinnerillu qanoq immikkoortittarnissaat eqqarsaatigalugu, tamatumani kommunip aningaasartuutaasa sapinngisamik annikitsuutinnissaat tunngaviusaaq. Tamannalu ima paasineqassalluni, ataatsimiinnermi peqataasusaaq ulloq ataatsimiiffiusussami angalasinnaappat, tamanna atorneqartassasoq, ullorlu taanna ataatsimiiffiusutut isigineqassalluni, akissarsianullu aalajangersimasunut ilaassalluni.

Innersuussut

Aningaasaqarnermut ataatsimiititaliap aalajangiinera kommunalbestyrelsimut akuereqqullugu innersuussutigineqarpoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani Kommunalbestyrelsimi nunaqarfinnilu aqutsisunut ilaasortat sulinerminni akissarsiasaraluaminnik annaasaqarnerini taartisiaqartitaanissamut najoqqutassatut siunnersuut
2. Aningaasaqarneq angalanermilu aningaasartuutit pillugit allakkiaq, naatsorsuineq.
3. Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu Namminersornerullutik Oqartussat nalunaarutaat nr. 29, 18. december 2008-meersoq
4. Kommunit aqunneqarnerat pillugu Inatsisartut inatsisaat nr. 14, 5. december 2008-mersoq

Imm. 08 Qeqqata Kommuniani oqartussa qarfiit assigiinngitsunik suliallit isumagininnermi suliassani suleqatigiinnissami ileqqoreqqusatut siunnersuut

Journalnr. 40.06

Tunuliaqutaq

Kommunet kattunnissaanut atatillugu Qeqqata Kommuniani oqartussa qarfiit assigiinngitsunik suliallit isumagininnermi suliassani siunnessami suleqatigiinnissami aqqissuussaanissap isikkussaatalu aalajangiivigineqarnissaat pisariarpoq, tamatuma ataaniilluni oqartussa qarfiit assigiinngitsunik suliallit suleqatigiiffiani maleruaqqusap nutaap sularineqarnera.

Maleruagassatigut tunngavissaq

Oqartussaas qarfiit assigiinngitsunik suliallit isumagininnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq.

Pissutsit atuuttut

Sisimiut Maniitsullu Kommuneni Isumagininnermut ingerlatsiviini sulisut suleqatigiisitaata ileqqoreqqusamik nutaamik siunnersuusiaat ilanngussatut ilanngunneqarpoq. Sisimiut Kommuneani oqartussa qarfiit assigiinngitsunik suliallit suleqatigiinnermi ileqqoreqqusaat pingaarnerusutigut aallaavigalugit ileqqoreqqusaliaavoq.

Kommuneersuni immikkut oqartussa qarfiit assigiinngitsunik suliallit isumagininnermi suliassani suleqatigiinnermi ataatsimiititaliamik pilersitsoqarnissaa siunnersuutigineqarpoq. Sisimiut Kommuneani suleqatigiit pioreersup tunngavia aallaavigalugu aqqissorneqassapput.

Ileqqoreqqussaq Isumagininnermi Naalakkersuisunut ilaasortamit akuersissutigineqassaaq (ullumikkut Ilaqutariinnermut Peqqissutsimullu Naalakkersuisunut ilaasortamit).

Aningaasaqarnikkut allaffissornikkullu kingunerisinnaasai

Siunnersuut Qeqqata Kommunianut aningaasaqarnikkut allaffissornikkullu kinguneqassanngitsoq naatsorsuutigineqarpoq.

Allatseqarfiup aningaasaqarnermullu allatseqarfiup oqaaseqaatai

Immikkut oqaaseqaatitassaqaanngilaq.

Allatseqarfiup naliliinera

Immikkut oqaaseqaatitassaqaanngilaq.

Ilaqutariinnermut immikkoortortap innersuussutaa

Ilaqutariinnermut ataatsimiititaliap Kommunalbestyrelsimut suliaq akuerineqarnissaanik innersuussutitalerlugu ingerlateqqissagaa innersussutigineqarpoq,

- oqartussaas qarfiit assigiinngitsunik suliallit suleqatigiiffianut ataatsimiititalianik marlunnik pilersitsisoqassasoq,
- oqartussa qarfiit assigiinngitsunik suliallit isumagininnermi suliassani suleqatigiinnissami ileqqoreqqusatut siunnersuut aamma
- Ileqqoreqqusamut siunnersuut Ilaqutariinnermut Peqqissutsimullu Naalakkersuisoqarfimmut akuerisassanngorlugu nassinneqassasoq.

Ilaqutariinnermut ataatsimiititaliami suliap sularinera

Ilaqutariinnermut ataatsimiititaliap januaarip 7-ani 2009-mi ataatsimiinnermini suliaq sularivaa.

Innersuussutigineqartut akuersissutigineqarput.

Najugaqarfinni tamani aamma atuutsinneqanissaa sulissutigineqassasoq.

Innersuussut

Kommunalbestyrelsimut akuereqqullugit innersuussutigineqarput

- oqartussaasoqarfiit assigiinngitsunik suliallit suleqatigiiffianut ataatsimiititalianik marlunnik pilersitsisoqassasoq,
- oqartussaqaqarfiit assigiinngitsunik suliallit isumaginninnermi suliassani suleqatigiinnissami ileqqoreqqusatut siunnersuut aamma
- Ileqqoreqqusamut siunnersuut Ilaqutariinnermut Peqqissutsimullu Naalakkersuisoqarfimmut akuerisassanngorlugu nassiunneqassasoq.

Aalajangiineq

Innersuussutigineqartut akuersissutigineqarput.

Ilanngussaq

1. Oqartussaqaqarfiit assigiinngitsunik suliallit isumaginninnermi suliassani suleqatigiinnissami ileqqoreqqusatut siunnersuut.

**Imm. 09 Angerlarsimaffimmi ikiorteqalersitnissami naliliisarnissami periuusissatut
siunnersut**

Journalnr. 41.15

Tunuliaqutaq

Qeqqata Kommuneani angerlarsimaffimmi ikiorteqalersitsinissami naliliisarnissami periuusissanik Ilaqutarinnermut Ataatsmiititaliaq aalajangiisussaavoq, tak. Inatsisartut inatsisaat nr. 14, 19. november 2007-imeersoq. Ikiorteqalersitsinissami nalilersuisarnermi siunertaavoq, kommunerujussuarimi nutaami angerlarsimaffimmi ikiorteqartitsinerimi sullissinerup assigiinnissaata qulakkeerneqarnissaa.

Aalajangersakkat nalinginnaasut malillugit innuttaasut angerlarsimaffimmi ikiorteqalersinnaapput, inuttut inuuniarnikkut ajornartorsiuteqarnikkut imaluunniit peqqissutsikkut tungaveqartumik.

Suleqatigiisitap Maniitsup Sisimiullu Kommuniini utoqqarnut sullissivinnit aallartitanik inuttalersugaasoq 2008-mi upernaap ingerlanerani, Sisimiut Kommuneani nalilersuisarnermi periuusit atuuttut aallaavigalugit, kommunerujussuassami nutaami angerlarsimaffimmi ikiorteqarnissamik tunniussisarnermi periuusitnik assigiissunut siunnersuutinik suliaqarnikuupput.

Maleruagassatigut tungavissaq

Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi kap.2 § § 2 aamma 3 aamma Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaanni nr. 32, 26. juli 1994-imeersumi kap. 4 § 5 kiisalu tassunga atassuteqartoq angerlarsimaffimmi ikiorteqartitsisarneq pillugu ilitsersuut 2003-mi decembarimeersoq.

Pissutsit atuuttut

Angerlarsimaffimmi ikiorteqartitsisarneq pillugu peqqussummi § 5 naapertorlugu tigussaasunut inuttullu ikiortarialinnut angerlarsimaffimmi ikiorteqartitsisoqarsinnaavoq. Angerlarsimaffimmi ikiorti angerlarsimaffimmi suliaassanut nalinginnaasunut, soorlu eqqiaanernut nerisassiornermut, pisiniarnernut, atisanik errorsinermut, timikkut eqqiluisaarnernut, kiassarnermut kiisalu atisalersornermut atisaajarnernullu ikuutaassaaq.

Illuatungaaticullu angerlarsimaffimmi ikiorteq angerlarsimaffimmi errorsersuaarnernut illulluunniit tamakkiisumik eqqiarneqarnissaanut pisussaaffeqanngilaq, angerlarsimaffimmi ikiorteqartitsinerimi pisortarisaq isumaqatigiissusiorfigisimangikkaanni. Soorlutaaq angerlarsimaffimmi ikiortip angerlarsimaffimmi napparsimasunik aallussinissaq pisussaaffiginngikkaa.

Sisimiut Kommunianni 2003-mi angerlarsimaffimmi ikiorteqartitsisarneq aallartinneqarneranili suliaassat suliarineqartarput nalilersuisarnermi periuusit politikikkut aalajangersagaasut malillugit. Periutsit taakku siunertarivaat, angerlarsimaffimmi ikiortinik atuisut tamarmik assigiimmik sullinneqarnissaat. Ilutigitillugu paasinarsivoq, innuttaasunut ataasiakkaanut angerlarsimaffimmi ikiorteqarniartunut agguaassinermut atatillugu periuusit sakkussatut atorneqarsinnaasut. Taakku saniatigut nalilersuisarnermi periuusit angerlarsimaffimmi ikiorteqarnissamat atuilersussanut nutaanut kommunimi angerlarsimaffimmi ikiorteqartitsinerup qaffasissusaa pillugu ilisimatitsinermut, taakkununga ilanngullugit suna ikiuutaassanersoq kiisalu ikiuunnissap annertussusaa, angerlasimaffimmi ikiorteqartitsinermut allaffimminngaaniit neqeroorutaasinnaasut.

Maniitsumi angerlarsimaffimmi ikiorteqarnermut pisortaasup qaffasissusissaq isummerfigisarpaa, inoqutigiinni ataasiakkaani inuit ataasiakkaat nalilersuiffigineratigut. Tamanna isumaqarpoq angerlarsimaffimmi ikiorteqartumiit angerlarsimaffimmi ikiorteqartumut qaffasissutsip nikerarsinnaanera, apeqquataalluni sulisut sorliit atorfimmi atorfeqartinneqarnersut.

Suleqatigiisitap innersuussutigaa, Sisimiut Kommuneata nalilersuisarnermi periusaa kommunerujussuarmi nutaami atuuttussanngorlugit siaruartinneqassasut. Taakku saniatigut innersuussutigineqarpoq, nalilersuisarnermi periuutsit piaartumik atuutilersinneqassasoq.

Aningaasaqarnikkut allaffissornikkullu kingunerisinnaasai

Nalilersuisarnermi periutsit assigiissaarnissaat atuutilersinneqarneratigut angerlarsimaffimmi ikiorteqarfiup aningaasaqarnikkut aqunneqarnerata pitsanngoriarnissaa naatsorsuutigineqarpoq, annertussusaa suuneratalu sullissinerup qaffasissusaa politikikkut aalajangersagaareermat. Assigisaanik ikiuinermi akulikinnerusumik nalilersuisarnissamut periarfissaq pitsaanerulissaaq, immikkoortumi aningaasaqarneq aamma allaffissornikkut aqutsineq nukittorsarneqarluni.

Allaffeqarfiup naliliinera

Immikkut oqaaseqaatitassaqaanngilaq

Ilaqutariinnermut immikkoortortap innersuussutaa

Ilaqutariinnermut ataatsimiititaliap Kommunalbestyrelsimut suliaq akuerineqarnissaanik innersuussutitalerlugu ingerlateqqissagaa innersuussutigineqarpoq,

- suleqatigiisitap inissiisarnermi tunngavissaliussasut aamma
- inissiisarnermi tunngavissat atuutilernissaat piaartumik pissasoq

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap januaarip 7-ani 2009-mi ataatsimiinnermini suliaq suliarivaa. Innersuussutigineqartut akuersissutigineqarput.

Innersuussut

Kommunalbestyrelsimut akuereqqullugit innersuussutigineqarput

- suleqatigiisitap inissiisarnermi tunngavissaliussasut aamma
- inissiisarnermi tunngavissat atuutilernissaat piaartumik pissasoq

Aalajangiineq

Innersuussutigineqartut akuersissutigineqarput.

Ilanngusaaq

1. Nalilersuisarnermi periuutsit

Imm. 10 Qeqqata Kommuniani taxat amerlassusii

Journalnr. 70.03.16

Tunuliaqutaq

Kommunalbestyrelsimut ilaasortap Godmand Rasmussen-ip siunnersuuteqarneratigut, Kommunalbestyrelsip 2009-mi februaarip 25-ani ataatsimiinnerani Sisimiuni taxat amerlassusii eqqartorneqarput.

Tamatuma saniatigut taxanik ingerlatsineq pillugu ileqqoreqqusassatut siunnersuut Teknikkimut avatangiisinullu ataatsimiititaliap 2009-mi februaarip 25-ani ataatsimiinnerani saqqummiunneqarpoq.

Maleruagassatigut tunngavissat

Qeqqata Kommuniani taxanik ingerlatsineq pillugu ileqqoreqqusassatut siunnersuut, aningaasaqarnermut ataatsimiititaliamit Kommunalbestyrelsimiillu inaarutaasumik akuersissutigineqarnissaanut Teknikkimut avatangiisinullu ataatsimiititaliap ingerlateqqinnikuuaa.

§3-mi allassimavoq, ” Kommunimi taxat amerlassusissaat, kommunalbestyrelsimit aalajangiiffigineqassapput”.

Pissutsit atuuttut

Qeqqata Kommuniani taxanik ingerlatsineq pillugu kommunimi ileqqoreqqusassaq akuersissutigineqarpoq, aprilillu naanerani Kommunalbestyrelsimit akuersissutigineqarnissaa naatsorsuutigineqarluni.

Taxat annerpaamik qanoq amerlatigissanersut ataatsimiinnermi aamma akuersissutigineqartariaqarpoq, Kommunalbestyrelsimiillu eqqartorneqareenera tunuliaqutaralugu allaffeqarfiup siunnersuutigissavaa, taxat annerpaamik amerlassusissaat amerlissineqassasoq.

Maannakkut Qeqqata Kommuniani taxanik ingerlatitsisinnaanermik akuersissutit annerpaamik Maniitsumi 20-upput, Sisimiuni 25-upput Kangerlussuarmilu marluullutik. Sisimiuni Kangerlussuarmilu akuersissutit tamarmik atorneqarput, Maniitsumili 18-it atorneqarlutik.

Aningaasaqarnikkut allaffissornikkullu kingunerisinnaasai

Akuersissutit Sisimiuni 40-nngortinneqarnerat, Maniitsumi 25-nngortinneqarnerat Kangerlussuarmilu tallimannngortinneqarnerat, Qeqqata Kommunianut aningaasaqarnikkut allaffissornikkullu kinguneqaatissaqanngilaq.

Allaffeqarfiup naliliinera

Allaffeqarfiup nalilerpaa, taxat amerlanerunissaannik periarfissiineq pitsaasoq, tassuunakkullu aamma suliffeqarfimmik nammineq ingerlatitsisinnaanissamut annerusumik kiffaanngissuteqartitsisoqalissasoq.

Allaffeqarfiup innersuussutaa

Teknikkimut avatangiisinullu immikkoortortap Teknikkimut avatangiisinullu ataatsimiititaliamut innersuussutigaa, aningaasaqarnermut ataatsimiititaliamit kommunalbestyrelsimiillu inaarutaasumik akuersissutigineqarnissaanut ataatsimiititaliap innersuussutigissagaa, Taxanik ingerlatitsisinnaanissamut akuersissutit Sisimiuni 40-nissaannik, Maniitsumi 25-unissaannik Kangerlussuarmilu tallimaanissaanik aalajangiisoqassasoq.

Teknikkimut avatangiisinullu ataatsimiititaliap suliamik suliarinninnera

Teknikkimut avatangiisinullu ataatsimiititaliap 2009-mi apriliip aappaani ataatsimiinnermini innersuussut akuersissutigaa, Kommunalbestyrelsili aalajangiitinnagu atuisartut tusarniaaffigineqarnissaat kissaatigalugu.

Suliap suliareqqinnera

Tamatuma kingunerisaanik Teknikkimut avatangiisinullu immikkoortortap Sisimiuni, Maniitsumi kangerlussuarmilu taxaatillit tusarniaaffigai. Taxanut akuersissutit amerlisinneqarnissaat tamarmik akerliliissuteqarfigaat.

Teknikkimut avatangiisinullu ingerlatsiviup innersuussutaa

Teknikkimut avatangiisinullu ingerlatsiviup Teknikkimut avatangiisinullu ataatsimiititaliamut innersuussutigaa, taxanik ingerlatsisinnaanermut akuersissutit Sisimiuni 40-nngortinneqassasut, Maniitsumi 20-nngortinneqassasut Kangerlussuarmilu tallimangortinneqassasut.

Teknikkimut avatangiisinullu ataatsimiititaliap suliamik sularinninnera

Teknikkimut avatangiisinullu ataatsimiititaliap 2009-mi maajip aqqarngani ataatsimiinnermi aalajangerpaa, taxanik ingerlatsisinnaanermut akuersissutit maannakkut Sisimiuni 25-usut, Maniitsumi 20-usut Kangerlussuarmilu marluusut allangortinneqannginnissaat Kommunalbestyrelsimiit akuersissutigineqartussanngorlugu innersuussutigineqassasoq.

Pingasut isumaqataapput (Siumut aamma IA) ataaserlu isumaqataanani (demokraatit).

Demokraatinit oqaatigineqarpoq, taxanik ingerlatitsisinnaanermut akuersissutit amerleqarnerisigut imaangitsoq akuersissutit ataatsikkut tamarmik atorineqartariaqassasut. Taxat angalasut amerlassusii eqqarsaatigalugit taxanik ingerlatitsisinnaasunik piukkunnartunik atorfinitsitsisinnaanissaq pissusissamisuuginnartumik amerlassuseqartitsissaaq. Tamanna Kommunalbestyrelsiunngitsup taxaatillilli namminneq ujartortariaqarfaat.

Innersuussut

Kommunalbestyrelsimiit akuersissutigineqartussanngorlugu Teknikkimut avatangiisinullu ataatsimiititaliap innersuussutigaa, taxanik ingerlatsisinnaanermut akuersissutit maannakkut Sisimiuni 25-usut, Maniitsumi 20-usut Kangerlussuarmilu marluusut allangortinneqassanngitsut.

Aalajangiineq

Taasinermi innersuussutigineqartoq akuersissutigineqarpoq.

13-it akuersisut (Siumut, Søren Alaufesen, IA)

1 akerliusoq (Godmand Rasmussen)

1 taaseqataangitsoq (Palle Christiansen Imm. 10-mi peqannginnami)

Taxanik ingerlatsisinnaanermut akuersissutit agguanneqartarnissaanut maleruagassanik sanasoqassasoq Teknikkimut Avatangiisinullu ataatsimiititaliamut kaammattuutigineqassaaq. Ilanngullugu Kangerlussuarmi taxanik ingerlatsisinnaanermut akuersissutit inunnut 600-nut naammannersut nalilersorneqassaaq.

Ilanngussat

1. Sisimiuni, Maniitsumi Kangerlussuarmilu Taxa-nit akerliliissutit 2009-mi apriliip 22-annersoq.
2. Kangerlussuaq Taxa-mit 2009-mi apriliip 20-anit akerliliissut

Imm. 11 Sulinngiffeqareernerup kingorna kommunalbestyrelsimut ikkuteqqinneq – Karl Davidsen

Journalnr. 01.01.03

Tunuliaqutaq

Ikaarsaariarnermi ataatsimiititaliap Karl Davidsen januaarip 1-aniit 2009-mi decembarip 31-anut 2009-mi qinikkatut sulinngiffeqarnissaa akuersissutigini kuuvaa.

Karl Davidsen maajip 7-ini 2009-mi mail-ikkut allagaqarluni siusinnerusukkut qinikkatut suliaqaq-qilernissani kissaatigalugu saaffiginnissutigivaa.

Maleruagassatigut tunngavissat

Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14, 19. november 2007-imeersumi § 6, imm. 2-mi atuarneqarsinnaavoq, kommunalbestyrelsi 2013-imi apriliimi kommunalbestyrelsinut qinersinissap tungaanut atuutissasoq.

Kommunit aqunneqarnerat pillugu Inatsisartut inatsisaat nr. 14, 5. december 2008-meersumi § 15, imm. 4-mi atuarneqarsinnaavoq, ”Ilaasortap kommunimi pisussaaffini suliareqqissinnaalerpagit sinniisussaq kommunalbestyrelsimut tunuassaaq.”

Pissutsit atuuttut

Karl Davidsen-ip sulinngiffeqarnerani Godmand Rasmussen kommunalbestyrelsimi ilaasortatut ivertinneqarpoq. Taamaalilluni Karl Davidsen-ip pisussaaffimminut uteqqinnerani, Godmand Rasmussen kommunalbestyrelsimi ilaasortatut tunuassaaq taamaalillunilu Ikaarsaariarnermi ataatsimiititaliamut apriliip 8-ni 2008-mi qinersineq naapertorlugu Atassut sinnerlugu sinniisussatut siullertut allassimalissalluni.

Karl Davidsen ataatsimiititalianut tulliuttunut inisseqqissaaq:

- Aningaasaqarnermut ataatsimiititaliamut, Bitten Heilmann sinniisussaralugu
- Teknikkimut Avatangiisinullu ataatsimiititaliamut, Søren Alaufesen sinniisussaralugu. Ataatsimiititaliami nutaamik siulittaasumik toqqaasoqassaaq, kiisalu
- KANUKOKA-p ataatsimeersuarnerani ilaasortatut ikkuteqqissalluni, Søren Alaufesen sinniisussaralugu.

Karl Davidsen ataatsimiititaliani tulliuttuni sinniisussatut inisseqqissaaq:

- Aaatsitassanut Attaveqaqatigiinnermullu ataatsimiititaliamut, Søren Alaufesen-imut sinniisussatut
- Namminersornerullutik Oqartussanit suliaasanik tigusinissamik ataatsimiititaliamut, Bitten Heilmann-imut sinniisussatut.

Aningaasaqarnikkut allaffissornikkullu kingunerisinnaasai

Karl Davidsen-ip kommunalbestyrelsimut uteqqinnera aningaasartuutitassaqanngilaq, tassa sinniisussamat siullermut massakkullu kommunalbestyrelsimi ilaasortatut Godmand Rasmussen-ip akissarsiai 2009-mi maajip naaneranut unissammata, Karl Davidsen-ip akissarsiaasa juunip 1-ani 2009-miit aallartinnerinut peqatigitillugu.

Innersuussut

Kommunalbestyrelsimut akuereqqullugu innersuussutigineqassaaq:

- Karl Davidsen kommunalbestyrelsimi susassaqarfimminut juunip 1-ani 2009-miit uteqqissa-
soq. Peqatigitillugulu Godmand Rasmussen kommunalbestyrelsimiit tunuassasoq, Atassum-
milu sinniisussatut siullertut inisseqqilluni

Aalajangiineq

Innersuussutigineqartoq akuersissutigineqarpoq.

Ilanngullugu KANUKOKA-mi aallartitamut sinniisussatut Bitten Heilmann toqqarneqarpoq.

Ilanngussaq

1. Karl Davidsen-ip maajip 7-ini 2009-mi mail-rutaa.

Imm. 12 Tamalaat

Borgmesterip ilisimatitsissutigai:

§ Sisimiuni ilinniartut inaasa innarluutilinnut atorneqarsinnaasunngorlugit allanngortiterneqarnissaat, takuuk Imm. 05.

§ Piareersarfiup allineqarnissaata aningaasartuuteqarfiginerunissaa pillugu akuersissuteqassamaarluni.

Tamalaani apeqquteqaatit:

Agathe Fontain: Minngortuunnguup Atuarfiani pisut nalunaarutini ilanngunneqarnissaat.

Ilinniartitaanermut immikkoortortami pisortaq Axel Lund Olsen aamma borgmesteri nassuiaateqarpoq.

Beathe Poulsen: Kommunalbestyrelsimi oqaluuserisassat qanoq tulleriiarneqartarneri. borgmesteri nassuiaateqarpoq.

Mimi Karlsen: Qimarngueqarneq pillugu suliaq Ilaqutariinnermut ataatsimiititaliamiinnikoq pillugu Inuiattullu ullorsiornissami programminik ujartuineq. Borgmesterip neriorsuutigaa programmit kommunalbestyrelsimut tamanut nassiusorneqassasut.

Apeqquteqaatigineqartunut nassuiaateqartoqarpoq.

Alfred Olsenip apeqquteqaataa tunngavigalugu, Sisimiuni paaqqinnittarfinnut inissitsiterisartut atorunnaarsimanera pillugu misissorneqassaaq allakkatigullu nalunaarutigineqarluni. (KB 01.2009 Imm. 31 toqqaasoqarpoq).